

舉劾 jǔhé

[impeach sb. by listing crimes]

欽定六部處分則例卷四目錄

舉劾

薦舉辨別公私

九卿密報不實

京員俸滿保陞

保留承襲世職司員

保留因公降革司員

司員保差定限

堂官查察司員

司員考覈筆帖式

督撫密保不實

違例保題

部駁人員復行奏請陞調

調繁人員復請調簡

遴委署事官員

教職甄別保薦會同學政商辦

教職佐雜年終甄別

煙瘴俸滿人員甄別

違例保留

實缺分發人員不准各省督撫奏留差委新增

降革人員不准率行請留請調新增

赴任赴省官員不准藉詞奏留差委新增

奉准投効

言官參奏不實

參劾屬員聲明發覺緣由不准密參空參

揭參劣員

誤揭屬員

降革處分開報月日不准更正新增

含糊參奏

屈廉為貪

誤參官員審虛開復

特參官員照大法例引見

呈控冤抑

奏請摘去頂帶人員應得處分仍照例駁辦新增

欽定大部感分期例卷四

舉劾

薦舉辨別公私

一雍正四年六月二十八日

諭諸王大臣從古帝王之治天下皆言理財用人朕思用人之關繫更

在理財之上果任用得人又何患財之不理事之不辦乎朕卽位以來推心置腹以待爾等大臣時時諮訪務得人材共襄庶政爾大臣亦各有所保薦以備任用朕深嘉之但知人自古爲難而保人更非易事知人者不過知其才具豈能知其存心保人者亦只能保其目前豈能保其異日是以朕曲爲體說從不苛求但公私二字所關甚重不可以不辨而公中有私私中有公尤不可不時時警醒也卽如始初見其人好而舉之及旣舉之後其人改操易轍卽當據實奏聞儻以爲從前旣舉而自護其短爲之掩飾彌縫此則公中之私也或始初因朋友故舊之情而舉之及旣舉之後時時警戒提撕相責以善一聞其聲名不好或卽行檢舉或密奏以聞此則私中之公也爾等大臣再一人所舉多者不過二三十人爾等一人精神足以貫注之平時訪察其行爲勸勉其廉謹儻居官不善卽行參奏不稍迴護如此則人人有所忌憚爭自濯磨國家可收得人之益爾等亦不愧以人事君之義矣欽此

九卿密保不實

一乾隆三年三月十五日奉 上諭國家宣猷敷政首重得人而以人事君公爾忘私者乃人臣之大

義況身列九卿受恩深重彼徇情妄舉者固不足言而視爲具文苟且舉責者亦大虧薦賢爲國之道

也昔我 皇祖 皇考延攬羣才常降九卿保舉之 旨其濫舉匪人劣蹟敗露者每加

嚴譴以示懲儆朕臨御以來亦間有所詔訪冀收得人之益自今各省督撫皆出朕心斟酌簡用其藩

臬二司陸續調來引見亦知其大概至於道府等官乃方面大員職任緊要目下爲州縣之表率將來

即可遞進於兩司所當留意於平日以備擢用於臨時者著九卿將可爲府道之人各據所知彙公舉

出二二人或三三人用露章啟奏不必密封大凡論人之道才品兼長固屬甚善但二者不可得兼若

才勝於品雖一時塗飾可觀而心志不誠根本不固將來湯檢踰閒必至難於駕馭若品勝於才雖一

時肆應不足而心術端方操守廉潔將來擴充歷練必能不愧循良九卿既受國恩又奉朕旨特行詢

問其所舉之員將來除因公呈誤情有可原者不將保官處分外若以劣款被參審實治罪定將保官

照濫舉匪人例處分不稍寬貸欽此

一 九卿保舉人員不實照濫舉匪人例降二級調用私罪自行訪出揭參者免議

一 爵章保奏之員如有不實吏部不將原保官查明將司官罰俸兩個月公罪 密封保奏者免議

同治四年二月十四日奉 上諭前因御史譚鍾麟奏請申明保送御史定例一摺當經諭令吏部

議奏茲據該部奏稱向來御史保送後有貪污劣蹟原保堂官例無處分明文惟保送時各衙門皆遴員咨送實與京察體例無殊自應比例定擬以專責成等語御史為朝廷耳目之官職司彈劾較之保送京察人員更須認真遴選著各部院衙門嗣後保送御史毋得但計資俸務須認真考覈選擇得人如保送後有犯貪污劣蹟者即將原保之堂官比照京察保送不實例由該部奏明議處如能訪出揭參者免議此旨並著該部纂入則例通行知照欽此

一 各衙門保送御史毋得但計資俸總須認真考覈如保送後有犯貪污劣蹟者將原保之堂官照京察保送不實例降二級留任公罪 自能訪出揭參者免議同治四年二月十四日奉定

### 京員俸滿保陞

一 漢郎中俸滿應陞知府人員該堂官出具切實考語將該員堪勝繁缺或僅堪簡缺及不勝外任留部之處移咨吏部帶領引 見將記名者照例陞用如保送繁簡各缺至引 見及請 訓時以不勝外任扣留或到任後經督撫以不能勝任參奏其原保之堂官有奉 旨交部查議者將該堂官降

世職司員 保留因公降革司員 司員保差定限

一級留任 公罪 若犯有貪劣奉 旨將堂官交部查議者降二級留任 公罪 如該督撫因係部院保

陞因循贖願不即查參以致貽誤地方者將該督撫降二級調用 私罪 ○其由主事保送直隸州後以

不能勝任及貪劣幼參者該堂官亦照前例議處○科道俸滿保陞與郎中同

### 保留承襲世職司員

一凡由部院司員承襲世職者如世職品大文職品小例應在世職上行走所遺部院員缺另行銓補如

果係才具出眾之員准該堂官具奏保留帶領引 見儻引 見時奉 旨不稱保留或保留之後

辦事不能妥協將具保之該堂官降一級留任 公罪 如有囑託徇情等弊將該堂官降二級調用 私罪

### 保留因公降革司員

一各部院司員因公降革如有辦事勤練人才可用者准該堂官出考保留請 旨定奪

### 司員保差定限

一乾隆四十五年十一月十七日奉 上諭向來各部院司員保送三庫稅差錢局坐糧廳等項每有

將會經得差人員未隔數年復行保送者不知在京滿漢司員人數本多此等得項較優之差自應令

其均霑普及若出差未久復予保送則從未得差者未免多有向隅嗣後保送此等差使之司員其已

經派過者著於十年後方准再送如堂官等違例朦混保送經朕查出及被人參奏者卽照徇庇例議處著爲令欽此

### 堂官查察司員

一凡各部院司員如有故爲巧詐徇私誤公者該堂官查出參奏將該司員革職私罪若有徇情納賄等事該堂官查出嚴參革職交刑部治罪私罪

### 司員考覈筆帖式

一各部院衙門筆帖式專責該司官考覈儻有因循怠惰託故不到衙門以致案件壅積者該滿漢郎中卽行具揭呈堂參革儻不據實揭報罰俸一年私罪

### 督撫密保不實

一乾隆三年三月二十四日奉 上諭道府等官皆屬親民要職必才幹素著廉潔自持者方克勝任是以 皇考當日曾令督撫兩司各行保舉今朕仿照此例著於各省道府內令督撫藩臬各據所知保舉一二員二三員俱各密封具奏不得會同商酌如所保之人不當日後劣蹟敗露將保奏上司一併治罪欽此

金知不音反身自保不實

一嘉慶二十五年九月二十六日奉 上諭各直省督撫所有兩司道府州縣以及營伍員弁內如實

有才德兼優認真辦事者著出具切實考語密摺保奏歷任後除公罪不論外若作姦犯科身罹私罪惟所保之督撫是問如有貪婪不法以刻為明或年老昏憤不能辦事者亦著據實參奏不可任其尸祿以害民生爾督撫等均受 皇考深恩簡用封疆大吏宜各矢公忠為國為民慎毋虛應故事

以副朕整飭官方任賢去邪之至意特諭欽此

一督撫密保人員不實照濫舉匪人例降二級調用私罪自行訪出揭參者免議

吏部謹奏為遵 旨議奏事內閣抄出光緒八年十二月二十七日奉 上諭給事中黃元善奏

各省揀調首府首縣請嚴定濫保處分等語著吏部詳奏欽遵到部查此案工科給事中黃元善奏省

會首府首縣定例先用正途出身人員調補近日各省大吏以正途不宜為詞請以各項人員揀調自

係為得人起見惟督撫保舉各項人員升調既已逾格將來獲咎亦應加等請將保非正途人員越次

以各項人員列保者如有貪酷劣跡照保正途不實之例再行嚴定章程加等議處欽奉 諭旨著

吏部議奏查省會首府縣繁劇要缺非揀調得人難期治理如所保之員犯有貪酷劣跡自應將原保

之上司照濫舉匪人例議處若保非正途人員犯有貪酷劣跡該給事中請嚴定章程加等議處自係



為慎重要缺礙杜濫保起見臣等公同酌核應請嗣後省會首府首縣該上司若保非正途人員越次以各項人員列保者如果所保之員犯有貪酷劣跡別經發覺即將原保之上司於濫舉匪人降二級調用私罪例上加等議以降三級調用如此嚴定章程庶要缺不至濫保而官方益昭澄叙矣如蒙俞允臣部即纂入例冊永遠遵行並通行該撫遵照辦理合恭摺具奏等因於光緒九年正月二十五日奏奉 旨依議欽此

### 違例保題

一直省道府缺出或應請 旨簡放及應歸部銓選者俱不准在外扣留如該督撫違例題補奉

旨駁斥並交部議駁者查有徇庇情事將該督撫降三級調用私罪查無徇庇情事止係違例保題將

該督撫照違令公罪律罰俸九個月公罪

一直省部選缺出該督撫並不聲明選缺輒行題補調補或聲明留缺而補非應補之員又如應調缺出

該省現有應調之人捏稱無人轉將他員奏請陞用以及應行題補缺出將銜缺懸殊不應題陞之員

越次陞補者查有徇庇情事將該督撫降三級調用若由司道府州申請將司道等官降二級調用私罪

罪其止於違例保題者將該督撫罰俸九個月司道等官罰俸六個月俱公罪

一 直省試署人員年限未滿該督撫即題請實授者照違令公罪律罰俸九個月公罪 若試用人員到省

後督撫等並未委署遽行保題實缺者將督撫藩司降一級調用公罪 如查有徇庇情事照前例分別

議處

一 違例保題主稿之督撫應降三級調用者私罪 會銜之督撫降一級留任公罪 主稿之督撫應罰俸九

個月者公罪 會銜之督撫罰俸三個月公罪

一 凡督撫題補官員任內有參罰事故及已經駁參未准部覆案件俱於本內聲明聽部定議如有遺漏

吏部即於議覆本內將其題之督撫罰俸六個月其遺漏之案如係錢糧處分將藩司罰俸一年臬司

罰俸六個月係刑名處分將臬司罰俸一年藩司罰俸六個月俱公罪

一 軍營督帶兵勇各員准各督撫及統兵大臣據實奏明暫緩赴部外凡由現任候補人員因各項勞績

保舉道府以至州縣等官題補升補等缺該督撫接到奉 旨部文後按照例限給咨送部引 見

回省後方准保題升轉未經引 見以前概不准遽行題升如有違例奏請者即將該督撫議處新增

部駁人員復行奏請陞調

一 嘉慶十一年五月初七日奉 上諭各省督撫因州縣員缺緊要揀調需人往往將不合例之員奏

惡補用朕節次發交部議部中皆照例議駁並將違例保題之上司一併奏請議處部議上時朕每有仍照該督撫所請准其陞調者並將該上司處分寬免原以地方治理需人不得不破格錄用非可視為常例乃近來督撫等違例保奏者漸多明知部議必駁部駁之後仍可邀准而一經恩准則處分亦無不寬免遂爾心存玩易任意保題積習相沿成爲故套恐滋流弊試思一省之大州縣佐貳不少豈無廉能任事合例可保之員何至出一缺卽非此一人不可必欲違例奏請此在存心公正之督撫一時爲人地起見諒無別情而假公濟私者或因此徇情薦舉意爲愛憎不論人才之當否惟視缺分之肥瘠其弊將何所不至所關於吏治者甚大朕固不疑天下督撫俱有不肖之心然不明定條例恐封疆大吏保舉屬員竟致無所顧忌不可不防其漸嗣後督撫等違例保奏之員除照依部駁者仍照舊例議處外其有部駁之後仍差特旨准行者著交該部存記將來所保之員如犯有貪私骫法之事其原保之上司竟嘗奏請革職如係別項劣蹟致罹參革者亦應照本員罪名之輕重以定原保上司獲咎之等差著該部詳議章程載入則例永遠遵行欽此

一督撫違例題請陞調經部議駁欽奉

特旨准行及奉

旨照部議駁而該督撫復以人地相需

專摺奏懇得邀

特旨允准自此等陞調人員吏部卽於官册內將原保之督撫并申詳之司道府

州等官銜名逐一存記如所保之員日後祇係因公罷斥無論罪名輕重該上司仍免其追問若本員身犯私罪係原保上司訪聞揭參者無論同省隔省亦均免其議處儻該上司不行揭參別經發覺係婪贓執法罪應斬絞者將原保之督撫革職申詳之司道府州等官降三級調用罪應軍流者將原保之督撫降三級調用申詳之司道府州等官降二級調用罪應徒杖者將原保之督撫降二級調用申詳之司道府州等官降一級調用罪應革職者將原保之督撫降一級調用申詳之司道府州等官降一級留任俱公罪其或以昏愎糊塗乖張悖謬等情劾參革職者將原保之督撫降一級調用申詳之司道府州等官降一級留任俱公罪如保奏之員並非由司道府州等官詳請者祇將該督撫議處司道府州免議

一督撫學政司道府州等官保題之員後犯貪劣昏庸等款如原保官與該員同在一省據實揭參者免其處分其同省未經會同揭參之上司仍照例議處若由該督撫查出參奏即不准司道府州補行揭報亦仍照例議處如原保官已不與該員同在一省無從覺察揭參犯係貪劣者將原保之督撫學政降一級調用司道府州等官降一級留任犯係昏庸者將原保之督撫學政降一級留任司道府州等官罰俸一年俱公罪若經同省之原保官查出揭參將離省無從覺察之原保官一體免議

一督撫參劾貪劣督撫人員卽於本內將該員係由何官保題原保官會否揭發並現在同省離省之處  
詳晰聲明如有遺漏吏部卽隨本查覈該員以貪劣被劾將遺漏之督撫降一級留任以昏庸被劾將  
遺漏之督撫罰俸一年俱公儻係瞻徇原保上司姑容貽誤或因自行保薦迴護前非不卽揭參別經  
發覺卽將該督撫革職私罪

### 調繁人員復請調簡

一調繁人員經後任督撫以才不勝任復請調簡者將原保之督撫降一級留任私罪若因與前任不合  
有意苛求肆行更調及引見時奉旨以該員並非不勝繁缺將奏請調簡之督撫照抑勒例降  
三級調用私罪如因循姑息並不參奏別經發覺照徇情例降二級調用私罪

### 遴委署事官員

一雍正六年八月初七日奉 上諭州縣爲親民之官地方事務全資料理凡有委署印務者必隣近  
地方始能兼顧向來督撫藩司等委員署印每憑一己私心而不計道里之遠近此習相沿已久近日  
秉公之上司已將此等陋習滌除而其餘尙有未能盡改者如常資官遠之在廣東則以韶州府乳源  
縣令署廣州府之花縣又以廣州府花縣令署惠州府之海豐縣此皆隔府差委相去數百里之遠者

夫州縣一官錢糧必及時徵收盜賊必立時緝捕人命必當時相驗承審案件必如限完結若於數百里之外兼攝印篆不但顧此失彼諸務廢弛而吏役奔忙人犯拖累種種遲誤之處難以悉數嗣後州縣缺出該上同等必須遴委隣近官員署理儻正印官一時不得其人即遴選隣近之賢能佐貳官署理如係地方要缺隣近難得其人則將隔府正印官委署而另委官員以署該員本縣之事務期人地相宜而各縣公務又不致於遲誤斯有裨益倘該上司有市惠徇情任意委署者經朕察出定嚴加處分欽此

一道府遇本屬府州缺出同知通判遇本屬州縣缺出均不准該督撫委署其州縣事簡者令隣近州縣及試用候補等官署理事繁者於別府同知通判等官內選擇廉能之吏署理或現任之首領佐貳內有曾經卓異保薦俸滿保題者亦准委署如該督撫不量缺分繁簡遴委照違例保題例罰俸九個月公罪若將並未卓異俸滿之首領佐貳等官委署州縣印務者將督撫降一級調用由司道府州申詳者將申詳官降一級留任罪俱公○至州縣缺出司道府不詳明督撫擅行委署者將擅委之員降一級調用私罪其府州縣丁憂病故暫行委員代理並不接收交代者不在此例

道光八年十一月二十四日奉 上諭嗣後著嚴行飭禁州縣係正印官員定例州同州判府經歷

縣丞等官非曾經卓薦或歷俸五年以上不准委署正印其照磨司獄等官非應陞知縣之員豈可委令代理著各督撫遇有州縣缺出仍遵定例不得以佐雜人員濫行代理並著吏部詳加查察或委署任內得有處分如係違例濫委之員卽將原委之上司查明參處等因欽此

教職甄別保薦會同學政商辦

一乾隆五十七年二月二十日奉 上諭據吳省蘭奏准督臣梁肯堂咨送年滿教職保薦甄別抄疏令學政衙門備案內有保薦教職二員李德與祇見過一次吳士升並未見過因業經具題咨商無及已咨令梁肯堂行司調送補驗等語各省教職係學政專管其保薦堪膺民社之員陞任知縣後如才具平常不能勝任原保之學政處分定例革職各省保薦教職時自應與學政會商擇其才具優長者會銜保題今梁肯堂所保教職二員並未先與學政商酌於會銜具題後始行抄疏知照備案殊非慎重保薦之道今梁肯堂不以學政爲事率意徑行國家簡任學政豈不竟同虛設乎梁肯堂著嚴旨申飭此後遇有甄別保薦教職等事均應照例會同學政先行商酌秉公辦理聯銜具題毋得仍前徑行專辦以符體制至各省督撫若於保薦甄別地方官員亦有似此並不彼此會商輒以一人專主卽會銜具題者一經發覺朕必重治其罪將此通諭知之欽此

一道光二十六年五月初四日奉 上諭知縣改補教職例有明文除到任後自揣才難勝任者毋

庸定以年限外其實缺知縣歷任在半年外者概不准該督撫率請改教此次該撫將才具平常之神

池縣知縣楊銜改補教職之處著不准行該撫違例奏請著交部議處等因欽此 山西巡撫 吳其濬奏

教職佐雜年終甄別

一各省教職除貪鄙衰庸不職隨時咨參不得拘定年限外餘俱以該員到任之日起扣算六年俸滿各

府州具文申請巡道加考移司查實轉呈督撫學政調取驗看詳加甄別果有才能出眾堪膺民社者

出具考語保題送部引 見如奉 旨准其陞用留 部銓選詳見銓選則例 年力衰憊者咨部令其休致其餘應行留任人

員內察其年力才具堪以策勵者列為勤職僅堪司鐸者列為循分供職俱填註考語咨部註冊即以

此次俸滿之日起俟六年又滿再行甄別如勤職人員六年中果有明白幹練堪膺民社者仍准保題

送部照常奮勉者仍列為勤職若辦事少次於前即改為循分供職不堪供職者即令其休致其供職

人員六年中有能實心訓迪較前奮勉者即予拔置勤職照常辦事者仍列為循分供職才力衰庸者

即令其休致均隨時咨報吏部年終彙報軍機處由部彙覈具題至年逾七十之教職內有精力尚健

堪以留任者亦上准展限五年概行令其休致如休致各員內有情願來京引 見者准照 大計六



法人員之例聲明咨送帶領引 見

一各省鹽庫大使并從六品以下首領佐貳雜職等官接算前後歷俸已滿六年選補各官以到任之日

日各府州具文申請巡道加考其非道府州所屬之官如河工鹽務人員應聽各該管上司具文考覈移司查實轉呈督撫調取驗看詳

加甄別將才具平庸不堪辦事者斥革年力衰頹者休致勤慎供職者留任均隨時咨部年終彙報軍

機處由部彙覈具題卽以此次俸滿之日起俟六年又滿再行照例辦理若有貪劣不職廢庸廢弛之

員仍卽隨時揭參不得拘定年限○至俸滿人員內實有人材出眾著有勞績者准該督撫出具切實

考語保薦除由舉人出身之鹽大使應送部引見外舉人出身之鹽庫大使以五年俸滿詳見銓選則例其餘佐雜等官六年俸滿

吏部查明與例相符准其保薦註冊陞用○至派往新疆辦事佐雜人員六年俸滿俱令辦事大臣甄

別移咨督撫辦理

一甄別教職佐雜各按該省額缺以百之二三為率參劾及數者免議如該省果無衰庸戀缺應行參劾

之員令該督撫學政將無可參劾緣由切實聲明亦免其議處如未經聲明照應申不申律罰俸六個

月公罪儻因別案劾參查係衰庸貽誤將該督撫學政降二級留任公罪

煙瘴俸滿人員甄別

命矢之音 人員不准各省督撫奏留差委

一調補煙瘴人員如不稱職該上司卽隨時揭參不必俟其俸滿至俸滿時果有辦事勤能有政績者該道府道具事實印冊分別保題咨部註冊陞用其循分供職而年力壯健尙堪驅策者仍准以原品之缺調補若年力已衰卽行令其休致儻該管道府平時因循不揭俸滿時又不覈實查參以及揭填事實混行保送者均降二級調用私罪不加查覈之兩司罰俸一年公罪

### 違例保留

一降調革職官員有賄囑百姓保留者官員俱照律治罪如該督撫捏稱與情愛戴將降革離任之員保留原任者降二級調用私罪由司道府州轉詳者將司道府州降一級調用私罪若果係清廉愛民因

公降革許督撫題請留任儻將不肖之員保留後經劣蹟敗露將該督撫降二級調用私罪

一各項監督出差期滿該督撫以商民保留爲詞代請留任者降一級留任私罪其監督差期將滿借端

呈請督撫代題展限者將該監督降一級調用私罪

實缺分發人員不准各省督撫奏留差委新增

一同治元年閏八月初三日奉 上諭左宗棠奏請飭催道府各員迅速赴浙一摺浙江實缺人員延不到省現值差委歸人豈容延擱遲滯藉資延宕金衢嚴道恆山處州府知府劉熙盛著各省督撫查

明該員等現在在，處還遲即著飭令迅速赴浙金華府知府徐寶治前經李鴻章奏留差委浙江現既  
需人仍著該署撫飭赴本任毋任延誤此外浙江州縣各缺由部選補者著該撫查催即速赴任如逾  
限不到即著照例參辦近來軍務省分實缺分發人員往往規避本省干求各省督撫帶兵大員奏留  
差委延不到省觀望取巧殊堪痛恨著自此次奉旨之日起凡升調選補及分發各省人員均著催令  
速赴本省不准藉端遲延各省督撫等亦不得違例奏留致干懲辦欽此新增

降革人員不准率行請留請調新增

一同治元年十一月十三日奉 上諭詹事府左中允錢寶廉奏請飭大臣督撫不得以降革獲罪之  
員率行請留請調等語朝廷賞罰兼施凡係降革獲罪人員必其咎有應得始予罷斥近來緣事久經  
黜退之員往往謀入軍營希圖奏留奏調為將來開復起用地步雖其中不盡無可用之人而庸劣各  
員實緣巧滑者居多一經留調始則謀據要差繼則濫竽薦牘甚至把持要缺無所不為而實任出力  
人員轉因之壅蔽擠排末由自效何以明勸懲而肅官常嗣後各路統兵大員及各直省督撫務當破  
除情面認真釐剔凡降革獲罪之員必其人實有才能超眾人地相需者始准贖陳事蹟專摺奏請仍  
由該部將該員帶領引見候旨遵行不准僅以差委需員抵拾虛詞率行奏留奏調以徇濫而杜詭

員不准藉詞奏留差委 率准投効

隨欽此

一各路統兵大臣及各省督撫於降革獲咎人員調往軍營應遵 旨出具切實考語送部引 見其

曾經在營降革獲咎人員果係才堪驅策亦令出具切實考語送部引 見如奉 旨准其發往軍

營將出考語之督撫大臣註明存記儻所調之員實犯姦賊劣蹟即將原保之大臣督撫隨時奏明照

濫舉匪人例參處如投營未經引 見之員統兵大臣督撫等撫拾虛詞遽謂先經出力著有勞績登

諸薦牘即屬故違定制應由吏部從嚴參處

赴任赴省官員不准藉詞奏留差委 新增

一月選揀發分發以及 特旨簡放之員均令依限赴省赴任概不准經過地方督撫大臣奏留差委

亦不准本籍督撫奏請留辦團練等事至推升用兵省分人員應行引 見赴任者如原省並無軍務

尤不准奏留展限如有藉詞奏請者查明後並將該督撫大臣議處咸豐六年二月初一日會議奏定

率准投効

一投効人員必驗有執照方准收錄如並無執照呈驗率准其投効差委將該督撫降三級調用 私罪

冒官參奏不實

一官官開列劣款糾參官員審問全虛者降二級調用私罪 有一二事得實者免議

一官官條奏失體及事無可據摺拾具奏奉 旨議處或奉 旨回奏並不據實回奏者俱各降一

級調用私罪

一科道被人參劾並不靜聽部議候 旨裁奪妄自具摺陳辯者降三級調用私罪

一無實官員將公事妄行具奏者降二級調用公罪 係私事均革職治罪私罪

參劾屬員聲明發覺緣由不准密參空參

一乾隆十五年五月二十七日奉 上諭國家政事宜崇實而不事虛文向來題奏事件有拘於舊套

習而不察者如參劾屬員本內必稱正在繕疏間據兩司道府各揭報前來與臣訪聞無異云云蓋由

失察屬員例有處分惟聲明揭報可邀免議是以遂成印板通套而不知此卽虛誕詐僞之較著者夫

屬員劣款有得自督撫訪聞者有出自兩司或該道府州揭報者有督撫聞有穢聲交司道府州查訪

實蹟者情形原自不同參疏中據實上聞何所不好若謂一面繕疏一面揭報適相符合或千百中偶

有一二妄得事事如此則何不明言訪聞所自而必相率而爲僞耶且由此益可見該府及直隸州之

稱職與不稱職蓋一府一州屬員雖多而切近相臨耳目難掩且賊私累累必非掩取於旬日之間設

欽定大清會典事例  
刑部  
卷一百一十五

令久與共事毫無覺察或屬邑多容貪吏而一一待督撫訪問交令查察不待問而知該府州之圖畫無能矣更或平日有心徇庇督撫交查尚爲之彌縫掩覆及至勢難挽回始不得已具揭申報在該督撫亦必窺見底裏卽當隨本附參不可顛覆了事令其脫然事外如使督撫密令查察卽行據實詳查或於訪問之外另得其實在劣蹟是不得謂之徇庇若仍追咎其前次失察之過則爲牧守者不亦難乎夫察吏之道必明是非覈功過以爲舉錯之衡方足以服人心而肅功令嗣後督撫參劾屬員侵蝕錢糧及因事納賄者其發覺緣由或由何人詳揭或係自己訪問或係密交何人查辦據實聲明不得沿襲故套卽如衛哲治所參全椒縣知縣王宗洛各款其滁州直隸州知州朱澤曾否揭報王宗洛婪贓各款是否在伊任內應據實查明如該牧莅任未久卽能查出則爲留心察屬之員其前任亦應查明交議一併諭令知之欽此

道光六年七月初七日奉 上諭本日據伊里布密奏調任邇南道現署雲南府知府保亮職見暗昧不勝道員之任承審案件詢問多未了晰卽降補知府亦難望其稱職等語保亮著卽勒令休致各直省督撫於所屬道府中有才具平庸或心地糊塗不能稱職者自宜據實參奏俾知儆畏方合大臣實力辦公之道若皆爲密奏各員轉不知所勸懲嗣後各省督撫於所屬道府等官不稱職者俱著據

竇入奏無庸察以吏不可因有此旨稍存避嫌違謗之見動輒一味姑容殊失朕整治之心矣慎之欽此

道光九年四月初七日奉 上諭裕泰奏甄別辦事任性不治輿情之知縣一摺湖南巴陵縣知縣

嚴暉吉既據該護撫奏稱該員偏執粗率不治輿情著勒令休致各省牧令之賢否關係地方之治忽各該督撫原應隨時查察嚴行甄覈然必須將其庸劣款蹟據實陳奏庶可以昭鑒戒而飭官常近來各省大吏之於所屬非不留心察訪隨時甄別而亦有因其事若實參即不止于斥革者遂以平庸疏率等語從寬空參僅于改降休致轉令被劾者有所藉口豈整肅吏治之道即如裕泰所參之嚴暉吉一員既經撤任于前又復甄別于後其庸劣不職可知是以降旨勒令休致嗣後直省督撫甄別所屬務須究明劣款核實參辦不得僅以空詞參核致失平允欽此

一直省督撫如有奉 旨查辦交訊之案為屬員開脫罪名僅予空參者若日久敗露或別經審實督撫照徇庇例從嚴加等議處如屬員犯有枉法濫刑橫行苛斂及侵吞捐項棄城不守種種罪狀而督撫為之開脫者非身有疵瑕慮人指摘即受其賄賂甘與通同亦請將該督撫一體治罪新增同治元年六月初一日奏定

揭參劣員

一總督貪婪巡撫不行糾參巡撫貪婪總督不行糾參發覺審實無論同城不同城俱各降三級調用私罪

藩臬等官免議

一屬員犯有貪婪劣蹟該管上司失察不行揭報經該督撫先行查出參奏同城之知府直隸州知州降

二級調用司道降一級留在不同城之知府直隸州知州降一級留在司道罰俸一年俱公罪如到任未

及一月者免議該督撫於題參疏內即將是否同城并到任月日詳晰聲明以憑察覈其有聲明失實

係為該管官開脫處分者將詳轉各官俱降二級調用私罪

一督撫參劾劣員總督參過巡撫不必參不將未經揭報之司道府州職名指參者罰俸一年公罪

一劣員經科道糾參得實而督撫未經題參失察者照司道例議處徇庇者降三級調用私罪

一屬員貪婪經督撫兩司飭查或士民告發得實該管之司道府州仍不揭報者應無論同城不同城均

照徇庇例降三級調用私罪

一知府直隸州知州貪婪司道不揭照知府例處分州縣佐雜貪婪該管州縣不揭亦照知府例處分

一鹽場貪劣官員被督撫糾參審實者將不參之鹽政照督撫例議處不揭之運使等官照司道例



議處

誤揭屬員

一該管上司將所屬官員經管事件并月日不行查明錯開揭參以致本員革職者將申報之上司降二級調用轉詳官降一級留任督撫罰俸一年降級調用者將申報之上司降一級留任轉詳官罰俸一年督撫罰俸六個月降革留任者將申報之上司罰俸一年轉詳官罰俸六個月督撫罰俸三個月降俸住俸罰俸者將申報之上司罰俸六個月轉詳官罰俸三個月督撫免議以上俱公罪○如屬員雖被誤參經部中詳覈案情將該員處分改正其原參事件係例應革職降調處分者將申報之上司罰俸一年轉詳官罰俸六個月督撫罰俸三個月係例應虛革虛降及降俸住俸罰俸處分者將申報之上司罰俸六個月轉詳官罰俸三個月督撫免議以上俱公罪○其有該上司誤揭在先續經題咨更正者俱免議

降革處分開報月日不准更正 新增

一官員各項案件處分開報月日有關降調革職者儻以錯誤為詞更正一二字即應減議之件應不准其更改如本員開報本無錯誤實係上司代開錯誤者本員仍准更正上司即照誤揭屬員以致降調

革職例議處例見上條雖在本員未經部議降革之先即已更正亦不准免上司處分

含糊參奏

一督撫參劾屬員必將應參之處或詳開款蹟或備列情由據實指出具奏如有不開實款不列實情含

糊參奏者將該督撫降一級留任私罪

屈廉為貪

一督撫等大員將清廉官吏屈為貪劣題參者將該督撫等革職如由司道府州運使等官捏報者將捏

報之員革職督撫等降三級調用俱私罪

誤參官員審虛開復

一乾隆二十四年十一月二十一日奉 上諭兵部議准題請開復參革臺拱營參將鄭純等應照例

引見該員始以侵扣營私經原任總督恆文參革發審及該撫周人駿審明定讞實係因公挪移以限

內全完免罪題結夫因公挪移其去侵冒甚速今定案得實則原參之誣罔可知封疆大臣表率屬員

其責甚重儻於平日意所不愜者或因事捏指重款登諸白簡以冀聳聽即審屬全虛而其人去官涉

訟經年沈滯已絕不平之冤在原參者轉得以風聞未確立身無過之地可乎且即事經昭雪例當復

職而上官又或拘牽斥駁無可控訴其情尤屬可憫卽如此案設非愛必違爲之奏請開復該員等豈不終於廢斥乎嗣後各省督撫等參劾屬員務在虛公持正悉心體訪固不得姑息市恩亦豈容挾嫌誣奏儻有所參重款一加審訊全屬子虛者將原參之人作何議處至審案已結該員例得開復而督撫不爲題請應准本人赴部告理如所控不實卽治以虛捏之罪若承審之員或因原參已經去任有意爲之開脫或迴護原參及撓撻一二輕款以實之亦應分別議處以示懲創其如何詳晰定例之處著該部妥議具奏鄭純等仍著帶領引見欽此

一督撫挾嫌參劾屬員所參重款審屬全虛者將誣奏之督撫革職係由司道府州等官挾嫌誣報者將誣報之員亦革職俱私罪如實無挾嫌情事照誤揭屬員例辦理

一官員被參革審之案審係全虛該督撫及該衙門隨案切實聲明准其開復不得概稱已經革職無庸議完結本案審虛止將本案開復如有另案降革仍歸彼案另結若別有降留革留罰俸等案俱帶於新任至原參重罪審虛而該員尙有笞杖輕罪應

降級罰俸者亦隨案切實聲明將原參革職之案開復仍按其所犯輕罪分別議處如該督撫及該衙門並未將參革之案於本內聲請開復僅臚列各項輕罪聽候部議者仍行駁回俟切實聲覆後再按例定議儻該督撫等有意苛駁不爲聲請結案後准本員赴部告理經部查覈案情專摺請旨飭

令該督撫及該衙門據實查明俟覆奏到日如實係例應開復不為聲請者即將該員奏請開復并將

該督撫降二級調用私罪係承審官不詳請開復者將承審官降二級調用私罪若係拘泥原參不為

題請者降一級留任公罪○全虛者照此例其重罪審虛仍有降罰處分者無庸議如本員所控虛捏交刑部照例治罪

一承審之員或因原參上司已經去任有意審虛使革員倖邀開復或迴護原參不行昭雪有心鍛鍊者

俱革職並有重罪雖已審虛特擄摺一二輕罪代原參掩飾者降二級調用俱私罪

特參官員照六法例引 見

一雍正十年七月三十日奉 旨向來大計參劾官員除貪酷發審外其餘著送部引見嗣後特參文

武官員比照大計之例如浮躁不及等款者亦著送部引見永著為例欽此

一乾隆十四年四月十二日雲南巡撫圖爾炳阿以武定府知府李鼎望病廢題請勒令休致奉 旨向來此等被參官員題請交部

定議後始行開缺朕思病廢之員非有劣蹟可比即交部議處亦不過勒令休致而雲南等遠省文移

往返羈延時日懸缺久待於吏治殊屬無益但題到即行開缺又恐啟抑勒之弊嗣後此等人員即照

六法內年老有疾之例一面具題一面勒令休致或該員有不甘廢棄情願來京引見該督撫給咨送

部引見李鼎望即照此例行欽此

一督撫隨時參劾人員但指稱闒茸懈弛平庸怠玩及老病等款並未實敘劣蹟者如本員情願來京引見准其呈明該督撫照六法人員之例給咨送部其不願者亦呈明該督撫將情由報部查覈儻任所督撫指不給咨即呈明原籍督撫出咨送部如亦不給咨准其赴部呈明查覈辦理若本員並未在外省呈明遽自赴部呈請者概不准行

### 呈控冤抑

一官員如有應行申訴情節准其赴部具呈該堂官交與該司將應准應駁情由詳加查覈明晰批示儻仍有真正冤抑許其自赴都察院呈控該院查係應行准理者即調取部議原案及一應定例秉公覆覈如實有舛錯即為奏請更正並將堂司官請 旨察議如查有營私受託等弊亦即據實指參儻本員挾詐懷疑捏詞妄控即將本員交部治罪

一直省上司有恃勢抑勒屬員者許該員呈報督撫查參若督撫徇庇上司不為查辦致該員受屈難伸者准其直揭部科查明果有抑勒實情即據揭具奏將原揭一併發交該督撫確審該上司暫免解任如訊明屬實題參到日將該上司照抑勒例降三級調用私罪其或係該督撫自行抑勒致屬員直揭部科者據實具奏請 旨查辦訊明屬實亦降三級調用私罪○儻屬員因被督撫上司劾參自知

欽定大清會典事例 吏部 職官 職官 照例覈辦

罪無可追乘參本未到之先據拾款蹟捏詞誣揭者部科亦即據實參奏將本員解任確審果係誣揭將本員革職治罪

奏請摘去頂帶人員應得處分仍照例覈辦

新增

一官員於各項案件有關處分該督撫並不照例參處僅請摘去頂帶吏部即將該員應得處分奏明請旨并將未經參處之督撫隨本附參照違令公罪律罰俸九個月

欽定六部處分則例卷四終